

與柔惠潤加熾息天人獲慶年同劫石

十一願帝王國主日昌四鎮安睦兵革不揚

天人誦唱吉應來翔敷教濟濟感化洋洋

兆庶稱慶長樂未央

十二願蠲飛蠢動已生未生成蒙安全善得

生成皆見元炁受陽之形草木果林經冬

不零一切濟度靡不鮮榮和與道合真

存神燒香

香官使者左右龍虎君侍香諸靈官當令

建齋之所自然生金液丹碧芝英百靈眾真

交會在此香火爐前臣學道得道求仙得

仙齋主受福幽顯沾恩十方仙童玉女侍衛

蘭煙傳臣向來所啓速達運御

太上無極大道至真玉皇上帝御前

出堂頌

青上

十六

靈寶領教濟度金書卷之二百四十一

靈寶領教濟度金書卷之二百四十二

洞微西士關光啟者真人審金具授

靈寶通玄弘教承而先生林靈真編

科儀立成品析採用

晚朝行道儀

燒香頌

各禮師存念如法

宜衛靈呪

五星高耀 瑞炁飛浮 元始集神 天地交周

玉符寶印 齋命微幽 擲火揚威 奸凶無留

萬魔振伏 紛葩却消 摧怪伐惡 道炁同流

神光照夜 陰翳俱收 萬仙降格 扇葉乘颺

群生成遂 惠遍神州和與道合真

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十六人出出者

嚴裝闡啓玄壇天帝神君當召此間土地里

域真官正神急上關啓臣今奉為入春意以

今晚朝陞壇行道願得

玉清道炁靈寶妙光下降流入臣等身中今

臣所啓速達運御

太上無極大道至真玉皇上帝御前

謹稱法位

具位臣某與臨壇官眾等謹同誠上啓

虛無自然元始天尊無極大道太上道君太

上老君昊天至尊玉皇上帝紫微天皇大帝

紫微北極大帝后土皇地祇南極長生大帝

東極青華大帝好生丈人真君九天應元雷

聲普化天尊長生保命天尊福生無量天尊

十方靈寶天尊十方已得道大聖眾至真諸

君丈人諸天大帝瓊關高真玄都玉京金闕

七寶瓊臺紫微上官靈寶至真明皇道君上

相上宰上保上傅四司五帝十二仙卿三十

六部尊經玄中大法師三天大聖師靈寶經

籍度三師真君靈寶官屬三界真靈仗闡元

始開圖擬先天之道炁虛皇御運弘大地之

靈光八圓均戴於生成九軌成依於化育雲

藏風靜湛然經緯之輝海潤河澄至以陰陽

之應惟昭昭於象外斯耿耿於靈中臣等夕

舜生資朝梧脆質纖烏迅速未明知白守黑
之方野馬奔馳莫悟出青入玄之妙曲承康
澤効職靈曹伴養拙以學真高立功而領教
凡有投告敢不上聞齊意青詞謹當宣奏

宣詞

按如詞音曲副悅恂伏聞列衣冠於尊卑周
室制度定標秩於高下漢官威儀或里選而
採賢能或朝薦而登俊傑俾任乃職舉能其
官自近代科舉之興與時昔學校之設虛文
不尚實德惟論校藝棘闈率爾糊名之律選
文闈者森然騰錄之曹既非察士行於平時
曷克守官箴於異日未免顛覆上累高明惟
庶朝選舉之功實藉稽古故廣土人民之眾
皆願觀光雖本人謀實原帝力今齊主共博
通經史究極憲章表報問程期入清朝之選
趣裝就道願為盛世之官恐缺少而負多或
職優而祿劣五行暗塞二運垂危欲詢眾見
之同徒駭步觀之聽語心自歎知已誰矜自
非請命於紫虛曷克流思於黃混幸履月陞
恭啓雲囊鈞樂九成路紫金之瑞相寶花四

兩降白玉之真光為申飭於司存祈蠲滯於
罪累功名遂意謀望從心以今晚朝行道請
法眾等運茲初捨上香

願此香煙騰空逕上供養

无上至真道寶等皈身皈神皈命首體投

地願以是功德上祝

皇帝陛下伏願冠冕百王至鑪萬國垂永漢
殿合九域以朝元御履周疆來八荒而拱極

德音輝煥仁聞昭彰道不捨道慶承平於宇
宙耕者讓畔厚風俗於閭閻今故燒香自皈

依

師尊大聖眾至真之德得道之後保天長存

和與道合真

以今晚朝行道請法眾等運茲二捨上香

願此香煙騰空逕上供養

无上至真經寶等皈身皈神皈命首體投

地願以是功德歸流齋主共伏願譽重珪璋
器齊瑚璉雲氣望蓬萊之頂天錫脩齡河源

接崑崙之墟神資鉅福七葉之靈椿不老五
枝之丹桂長新玉帶金魚茂熙朝之富貴來

願此香煙騰空逕上供養

願此香煙騰空逕上供養

願此香煙騰空逕上供養

願此香煙騰空逕上供養

顏綠髮昭偉代之儀刑今故燒香自皈依
師尊大聖眾至真之德得道之後長享和平
和與道合真

以今晚朝行道請法眾等運茲三捨上香

願此香煙騰空逕上供養

无上至真師寶等皈身皈神皈命首體投

地願以是功德歸流四獄九牧萬姓三軍伏
願庶尹清明百工緝理登金步玉極寶亮以

贊襄衷紫抱青備論思而變理耀光風於閭
里融霽月於邊陲文德化成方域息綠林之

警武功大定園扉鞠青草之滋今故燒香自
皈依

師尊大聖眾至真之德得道之後永保清寧

和與道合真

禮方 儀方

三啓頌

大道洞玄虛 有念無不契 鍊質入仙真

遂成金剛體 超度三界難 地獄五苦解

悉歸太上經 靜念稽首禮

二禮

禮

禮

禮

臣等至心稽首禮

太上無極大道

臣等至心稽首禮

三十六部尊經

臣等至心稽首禮

玄中大法師

重稱法位

具位 臣等與臨壇官眾等謹同誠上啓

虛無自然元始天尊無極大道太上道君太上老君昊天至尊玉皇上帝紫微天皇大帝紫微北極大帝后土皇地祇南極長生大帝東極青華大帝好生丈人真君九天應元雷聲普化天尊長生保命天尊福生無量天尊十方靈寶天尊十方已得道大聖眾至真諸君丈人諸天上帝瓊闕高真玄都玉京金闕七寶瓊臺紫微上宮靈寶至真明皇道君上相上宰上保上傳四司五帝十二仙卿三十六部尊經玄中大法師三天大聖師靈寶經新度三師真君靈寶官屬三界真靈伏聞議勲議貴祖宗享祿厚之榮葉爵襲封子孫膺

賞遷之慶雖本人間之選舉允繇天上之權衡家無衣白之孤福緣先世家有煥黃之喜祿運後人天理昭然民情悅甚今齊主某文章效古政事崇今莊官臨民願備朝廷之驅使懷忠佐主期殫藩屏之勤勞深慮浩劫以來受生之後心天風動性地雲迷虧忠信而愛貪嗔畧武義而好淫殺輕忽耆耄凌慢亂髮五臟三元蕩然莫守於禁戒十直四始率爾罔識於朝修或運限守刀劫之鄉或身命處破害之位計羅臨舍火宇經蹶致動靜有冒之災衰而行藏式達於疾患匪由帝力曷副民衷是以燒香誦經為懺除其宿累轉經行道俾灌沐其新釐始從入選之時終至受官之日無災無難有福有禧道路經從毋奔波於意外郵亭跋涉皆稱遂於心中錦衣生桑梓之歡聲青瓊復檢榆之世澤樂階微省入位公卿棠陰竹符出聯藩翰富詩書而裕後耀事業以光前蒙印虔祈允臻覆育上願天元朗晏地紀平寧風雨均調日星輝潤草木暢茂無焚林竭澤之憂禽魚繁昌有辰天

躍淵之喜桑麻晚潤榆柳宵開陰攝陽僚普被生成之澤冥關幽路均承化育之恩則上天專大慈之化下副 臣等皈命之誠謹啓以聞

發願

一願乾坤明素

二願氣象清玄

三願聖人萬壽

四願化洽八埏

五願天垂甘露

六願地發祥煙

七願四時應候

八願萬物生全

九願家多孝悌

十願國富才賢

十一願齋功廣被

十二願善瑞日臻

存神燒香

香官使者左右龍虎君侍香諸靈官當今 臣建齋之所自然生金液丹碧之英百靈眾真交會在此香火爐前今 臣學道得道求仙得仙齋主受福幽顯沾恩十方仙童玉女侍衛蘭煙傳 臣向來所啓速速還御 太上无極大道至真玉皇上帝御前

出堂頌